



Divisão Relação Públicas, Comunicação e Educação Cívica

Agenda N° 113/III (2ª)

Reunião Plenária de Terça-feira, 07 de Janeiro de 2014

Sessão Plenária Extraordinária preside husi Presidente Vicente da Silva Guterres, hamutuk ho, I Vice Presidente Adriano do Nascimento, II Vice Aderito Hugo da Costa, Secretária Mesa Maria Fernanda Lay, I Vice Secretária Mesa Sra. Angelina de Jesus Machado no II Vice Secretária Mesa Sra. Angela Maria Corvelo Sarmiento.

Antes hahu Plenária ohin nian Presidente hato'o bom ano ba Senhor deputado no Presidente hato'o iha ano 2014 ne'e ano ida que importante tebes tamba sei mosu assuntus politika ida que importante tebes no halo leitura ba Guião Debate da Conta Geral do Estado de 2012.

Plenari ohin nian ne'e mos partisipa husi Primeiro Ministro Kay Rala Xanana Gusmão, Vice Primeiro Ministro Fernando La Sama de Araújo no Membros V Governo.

Antes hahu Plenaria ne'e Sr. dep. Aurelio Freitas husi Bankada Parlamentar FRETILIN halo ponto de ordem kona ba kazu Membro CSP nebe maka baku populasaun iha área Bebonuk husu atu Secretário de Estado Segurança, Secretário de Estado Defesa no Ministro da Defesa atu hare problema ida ne'e no Presidente fo tempo ba Sr. Kay Rala Xanana Gusmão nudar mos Ministro da Defesa e Segurança atu responde assuntu nebe Sr. dep. Aurelio Freitas levanta no Sr. Kay Rala Xanana Gusmão hato'o katak nia sei hare problema ne'e no nia foin maka rona problema ne'e.

Período da Ordem do Dia

Plenaria ohin nian ne'e ho agenda maka Debate da Conta Geral do Estado de 2012. Presidente fo tempo ba Bankada Parlamentar FRETILIN atu halo intervensaun durante 25 minutos, FRETILIN hato'o katak Governo ne'e apresenta ona Conta Geral de Estado dala hat hahu husi 2009, 2010, 2011 no 2012. Ida ne'e hatudu katak Governo hatudu duni transparência iha Conta Geral do Estado maibe iha mos fraquesas tamba la hatudu melhoria significativa. Depois ne'e Presidente konvida Sr. Primeiro Ministro Kay Rala Xanana Gusmão atu halo intervensaun, Depois Primeiro Ministro halo intervensaun, Presidente konvida Sr. dep. Virgilio Maria Dias Marçal husi Bankada Parlamentar CNRT nudar mos Presidente Comissão Finanças Public no Sra. Florentina Smith husi Bankada Parlamentar FRETILIN no Sra. dep. Maria Fernanda Lay husi Bankada Parlamentar CNRT nudar deputada relator ba Relatorio no Parecer husi Comissão da Finanças Públicas. Depois de Comissão de Finanças Públicas halo relatório no parecer, Presidente Parlamento Nacional halo lançamento ba website Parlamento Nacional nebe assiste husi Senhor deputado sira, Primeiro Ministro ho nian Membros Governo sira no públicos nebe assite Plenaria Debate de Conta Geral do Estado de 2012.

Depois de intervalo almoço, Plenaria continua ho agenda Debate da Conta Geral do Estado de 2012, Presidente husu ba Senhor deputado sira atu encerra debate iha 18h15 tamba orsida Primeiro Ministro sei oferese jantar ba Princesa Tailandia Maha Chakri Sirindhorn nebe dia 09 de Janeiro de 2014 sei mai halo visita mai Parlamento Nacional atu halo lançamento ba zero fome no Parlamento Nacional sei halo diskusaun ba generalidade ba Proposta de Lei N° 10/III (2). Presidente husu ba Presidentes Bankadas Parlamentares sira atu controlo ba intervensaun husi deputado sira hodi nune'e Bankada Parlamentar CNRT, PD no FRETILIN entrega lista deputado sira.

- Deputado sira hato'o katak ho parecer husi Tribunal katak OGE 2012 la hatudu iha ireguladidade kona ba aquizasaun de servisu tamba laiha mecanismo de kontrol no laiha boas pratikas husi Membros Governos sira.
- Deputado sira hato'o katak iha tinan 2012 ne'e sai hanesan Governo de Gestaun ou Caretaker;
- Deputado sira husu atu hasae taxa ba Sigaru no Tua;
- Deputado sira koalia maka'as ba Universidade Nacional Timor Leste no Radio Televisão Timor Leste kona ba Reseitas no transferencia kona gastu financiamento publiko;
- Deputado sira aprecia no louva Governo tamba dala hat ona mai apresenta Conta Geral do Estado iha Parlamento Nacional no apresia Pareser husi Tribunal de Contas;
- Deputado sira husu kona ba Receitas RTTL nian nebe maka nungka hatama ba Conta Estado nian;
- Deputado sira husu ba Governo atu considera rekomendasoens husi Tribunal de Contas no Comissão C Parlamento Nacional;
- Deputado sira husu Governo atu hadia sistema aprovisionamento hodi nune'e bele jere osan públicos tamba iha fraqueza barak iha utilizasaun orçamento do estado;
- Deputado sira husu ba Governo atu halo eksekusaun Orsamento Geral do Estado ho diak tamba durante ne'e laiah planeamento ida diak husi Ministerios sira;
- Deputado sira koalia kona ba Fundos de Infraestruturas nebe foti osan ida que boot husi Fundo Minarai maibe la consegue eksekuta;
- Deputado sira koalia kona ba Fundos Capital de Humano nebe maka kiik tebes ba formasaun professional tamba la kleur tan Timor Leste sei tama ASEAN nebe sei loke odomatan investimenti ida que boot;
- Deputado sira husu ba Governo atu hare estatuto Instituisaun Autonomos nebe maka Governo kria hodi nune'e bele fo kbiit ba sira hodi bele fo receitas ba estado;
- Deputado sira husu atu halo auditoria ba Universidade Nacional Timor Leste no Radio Televisão Timor Leste nebe halo desvia ba receitas;
- Deputado sira husu ba Ministerio Comercio e Industria atu hare sasan nebe maka tama mai Timor Leste,
- Deputado sira husu kona ba Receitas não fiscais tamba saída maka seidauk halo implementa no saída maka sai desafiuz;
- Deputado sira husu atu reforsa no assegura recrutamento maibe tenki regirozo no mérito ba recrutamento ne'e hodi nune'e bele assegura makina estado nian;
- Deputado sira koalia kona ba taxa não petrolífero nusa maka sae tamba ita laiha iniciativa atu hasae taxa não petrolífero;
- Deputado sira koalia kona ba existencia no knar husi Agencia Desenvolvimento Nacional nian;
- Deputado sira husu atu halo politika kuantitas iha medicamento nian hodi nune'e bele fo kondisoens ida que diak;
- Deputado sira mos koalia kona ba SAMES nian servisu;
- Deputado sira koalia kona ba atu sosa kilat ba PNTL nebe ho montante USD \$ 500 mil ital, maibe deputado sira kestiona tamab PNTL seidauk bele controlo ba kilat hirak ne'e no koalia mos kona ba kilat nebe sosa husi PT. PINDAD Indonesia;
- Deputado sira koalia kona ba kondisoens estradas iha Timor-Leste nebe drenaise laiha hodi nune'e kuando udan boot tun entaun hamosu inundasaun;
- Deputado ira husu ba Membros Governo atu halo plano integradu hodi nune'e labele mosuh desindemento;

- Deputado sira husu ba Governo atu hare kualidade de obras ba projeto nebe husu ba ADN atu halo kontrolo ida que hahu husi inicio;
- Deputado sira hare liu kona Bens e Serviços nebe maka depende liu ba importasaun husi rai liur hodi nune'e sai faktor determinante ba aumenta inflasaun;
- Deputado sira hato'o katak recurso humanos Timor Leste sei mukit;
- Deputado sira hat'o katak iha Ministerio la kumpri boas gestaun kona ba regras eksekusaun orçamento do estado;
- Deputado sira husu ba Governo atu hare patrimonia estado hanesan eis-ospital Dotor Antonio Carvalho nebe Governo la tau atensaun no Governo la tau matan ba Aeroporto Presidente Nicolau Lobato nebe sai odoamatan ba estado ida ne'e nian;
- Deputado sira hato'o katak funcionários ba iha Ministerio das Finanças la domina sistema orçamento;
- Deputado sira husu atu kria sistema ida que rigirozo hodi nune'e bele evita baut nebe ladia iha eksekusaun orçamento;

Depois deputado sira halo intervensaun Presidente fo tempo ba Primeiro Ministro atu responde perguntas, preokupasoens no sugestoens husi senhor deputado sira. Primeiro Ministro hato'o katak Governo halo esforso hotu atu hadia sasan hirak nebe ladiak no persija apoio husi ema hotu-hotu.

Depois deputado sira halo intervensaun, Presidente fo tempo ba Primeiro Ministro atu responde perguntas, preokupasoens no sugenstoens husi Senor deputado sira. Primeiro Ministro hato'o katak Governo halo esforso maka'as hodi eksekuta orçamento geral do estado ho efiesiensi no efikas hodi no konsidera rekomendasoens nebe mai husi Tribunal de Contas no Parlamento Nacional.

Depois halo diskusaun naruk no klean, senhor deputado sira halo votasaun ba Projeto do Resolusaun N^o .../III (2) ho resultado votasaun : a favor 49, kontra 11 no abstensoens 11, hodi nune'e Projeto de Resolusaun ne'e passa.

Ikus liu Presidente encerra Plenaria ohin nian, Presidente mos informa katak Quinta-feira, 9 de Janeiro de 2013 iha Visita Oficial husi Prices Tailandia mai Parlamento Nacional nebe mai halo Lancamento ba Zero Fome no Plenaria sei kontinua iha loron Quarta-feira, 9 fulan Janeiro tinan 2014 ho agenda Diskusaun ba Generalidade ba Orsamaneto Geral do Estado ba tinan 2013.

Cumprimentos

Divisão Relação Públicas, Comunicação e Educação Cívica